



Inatsisartunut ilaasortaq  
Anthon Frederiksen  
Partii Naleraq

**Ajoqit, pattattut, palasit ilagiit sinniisaat il.il. pillugit § 37 apeqqummut 292-imut akissut.**

Asasara Anthon Frederiksen

Naalakkersuisut ajoqit pillugit apeqquteqaatigisatit qutsatigaat.  
Naalakkersuisut biskoppeqarfimmit paasissutissanik pissarsiniarsimapput.

22-11-2015  
Suliap nr. 2015 -17674  
Allak. nr. 1850485

Postboks 1029  
Oqa: 34 50 00  
Fax: 32 30 73  
3900 Nuuk  
Email: [iikinn@nanoq.gl](mailto:iikinn@nanoq.gl)  
[www.nanoq.gl](http://www.nanoq.gl)

**1. Ilagiit sinniisaat qanoq akissarsiaqarpat?**

**Akissut:**

Ilagiit sinniissaanni ilaasortat akissarsiaqanngillat ilagiit sinniisaattut qinnikkatut sulineq nammineq kajumissuseq naapertorlugu sulinerummat, ilageeqarnermi ileqqutoqqat malillugit akissarsiaqartitaanngitsoq aammalu akissarsiaqalersinnissaanut inatsisitigut atorsinnaasamik tunngavissaqanngimmat. Qinersisoqalernerit tamaasa suliassaq taamatut ilisimatitsissutitut saqqummiunneqartarpoq, tamannalu kingullermik paasissutissiissutigineqarpoq ilagiit sinniisaannut 2013-imi qinersisoqannginnerani. Ilagiit Sinniisaannili ilaasortat ataatsimiinnernut atatillugu ullormusiaqartinneqarsinnaapput takuuk Provsteqarfinni ataatsimiititaliani ilagiillu sinniisaanni ilaasortanut qinikkanut ullormusianik, angalanermi ineqarnermilu iluarsiiisutunik kiisalu sulinermit isertitassaraluanik annaasanut taartisiassanik tunniussisarneq pillugu Namminersornerullutik Oqartussat nalunaarutaat nr. 32, 17. december 1996-imeersoq.

**2. Oqaluffinni pattattut qanoq akissarsiaqarpat?**

**Akissutit:**

Pattattoq qaammammusialik (aalajangersimasumik atorfilik) massakkut 6.442,96 qaammammusiaqarpoq kr. 1.000,- nik tapeqartinneqartumik suliartoqqusaaratarsinnaanermut tapitut, (sapaatip akunneranullu 20 tiimit sulisaraanni) pensionisiassartalimmik, Ajoqit, ajoqit ilinniarsimanngitsut pattattullu pillugit Naalakkersuisut aamma Sulinermik Inuusutissarsiuqartut Katuffiata isumaqatigiissutaanni 14. november 2014-imi § 2, imm. 7, § 5, § 6 aamma § 3 takukkit.

Isumaqatigiissutit ajoqinut taartaasartunut akinik ilaqarputtaa. 2015-imi akissarsiaritinneqartoq nal. ak. 85,01 kr.-iuvoq.

### 3. Ajoqit qanoq akissarsiaqarpat?

#### **Akissut:**

Ajoqi qaammammusialik (aalajangersimasumik atorfillik) **ajoqi ilinniarsimasoq** massakkut kr. 10.739,37 qaammammusiaqarpoq kr. 1.000,-nik tapeqartinneqartumik suliartoqqusaaratarsinnaanermut tapitut (sapaatip akunneranut 20 tiimit sulisaraanni) pensionisiassartalimmik, ajoqit, ajoqit ilinniarsimangitsut pattattullu pillugit Naalackersuisut aamma Sulineramik Inuussutissarsiuteqartut Katuffiata isumaqatigiissutaanni 14. november 2014-imi § 2, (imm. 1,) § 5, § 6 aamm § 3 takukkit. Isumaqatigiissut ajoqinut **ilinniarsimasunut** taartaasartunut akinik ilaqarportaaq. 2015-imi akissarsiaritinneqartoq nal. ak. 143,19 kr.-iuvoq.

Ajoqi qaammammusialik (aalajangersimasumik atorfillik) **ajoqi ilinniarsimangitsoq** massakkut kr. 7.046,32 qaammammusiaqarpoq kr. 1.000,-nik tapeqartinneqartumik suliartoqqusaaratarsinnaanermut tapitut (sapaatip akunneranut 20 tiimit sulisaraanni) pensionisiassartalimmik, ajoqit, ajoqit ilinniarsimangitsut pattattullu pillugit Naalackersuisut aamma Sulineramik Inuussutissarsiuteqartut Katuffiata isumaqatigiissutaanni 14. november 2014-imi § 2, imm. 5, § 5, § 6 aamma § 3 takukkit.

Isumaqatigiissut ajoqinut **ilinniarsimangitsunut** taartaasartunut akinik ilaqarportaaq. 2015-imi akissarsiaritinneqartoq nal. ak. 93,95 kr.-iuvoq.

Ajoqit ilinniarsimasut ilinniarsimangitsullu tamatuma saniatigut suliassaq apeqqutaatillugu allattaavissuarnut allattuisarnerminnut allatigullu allaffissornikkut suliaqarnerminnut atatillugu tapisiaqartinneqarsinnaapputaaq qaammammut kr. 850,-nik aammalu kr. 1.250,-nik.

### 4. Oqaluffinni pattattut qassit amigaatigineqarpat?

#### **Akissut:**

Pattattut aalajangersimasumik atorfillit taartaasartullu 32-t sineriammi massakkut ilagiinnit amigaatigineqarput. Pattattunut tunngatillugu atorfiit inuttaqanngitsut taamaasillutik 44,4%-iupput. Provsteqarfik Avannaani atorfiit inuttaqanngitsut pissutaallutik kisitsisit qaffasipput, taavanimi atorfiit 20-t inuttassaqartinneqanngimmata.

Atorfillit ima agguarsimapput: pattattut (aalajangersimasumik atorfillit) qaammammusiallit 24-t taakkunanga taartaasartut 16-it.

### 5. Ajoqit ilinniarsimasut sumiiffinni assigiinngitsuni qassit amigaatigineqarpat?

#### **Akissut:**

Najukkani ataasiakkaanni amigaatigineqartut eqqarsaatigalugit ajoqit ajoqillu ilinniarsimangitsut immikkoortinneqarneq ajorput. Taamaasilluni nunaqarfimmiut ajoqimit ilinniarsimasumit (ajoqi) aammalu ajoqimit ilinniarsimangitsumit (atuaasoq) sullinneqartarput.

Massakkut najukkani 3-ni ajoqit ajoqilluunniit taartaasartut amigaatigineqarput. Ajoqinut tunngatillugu atorfiit inuttaqanngitsut taamaasillutik 4,2%-iupput.

Atorfillit ima agguataarsimapput: ajoqit qaammammusiallit (aalajangersimasumik atorfillit) 60-it (41-t ilinniarsimasut 19-illu ilinniarsimannngitsut) taartaasartullu 9-t.

## **6. Palaseqarfinni palasit qassit amigaatigineqarpat?**

### **Akissut:**

Massakkut palaseqarfinni ukunani palasit amigaatigineqarput: Qasigiannnguit, Kangaatsiaq aamma Ittoqqortoormiit. Tamatuma saniatigut Palaseqarfik Sisimiuni palasit marluk amigaatigineqarput.

## **7. Palasit ilinniarsimasut ilai sooq palasit atorfinitinneqarsinnaangillat?**

### **Akissut:**

Taaguut "palasi ilinniarsimasooq" qulalersitsivoq. Teologi iliniarneqarsinnaavoq teologinngortoqartarlunilu Ilimmarfimmi (bach. theol.-inngortarlutik danskillu universitiitini cand. theol.-inngortoqartarluni). Tamatuma kingorna Pastorseminariumimut qinnuteqartoqarsinnaavoq, palasitullu qinnuteqassagaanni tassani pikkorissarnissaq pisariaqarpoq - sulili palasinngorani.

Ileqquuvoq atsaat palasinngortoqartarnera palaseqarfimmi ilagiit sinniisaannit aggersarneqaraanni, palasit soraarummeersimagaanni tamatumalu kingorna ivertinneqarluni. Taakku saniatigut immikkut palaseqarnissaa takorloorneqarsinnaavoq (napparsimmavimmi palasi, aqqusinermi palasi assigisaalluunniit) tassani Palasinngorniarfimmi teologit ilinniakkamik naammassinnissimassalluni biskoppimit soraarummeersinneqarsimassaaq ivertinneqarsimassallunilu.

Tassunga atatillugu innersuunneqassapput Ilageeqarneq pillugu Inatsimmi aalajangersakkat ataasiakkaat atorfininnermut tunngasut. § 26d-imi allaqqavoq "Kinaluunniit Kalaallit Nunaanni ilagiinni palasit atorfinitinneqartoq biskoppimit soraarummeersinneqarsimassaaq, ivertinneqarsimassaaq, ilagiinnut palasit neriorsuisimassaaq biskoppillu uppersaasigaanik palasit sulisinnaangortitaasimassalluni."

Piumasaqaatit taakku inatsimmi §§ 26a-26c-imi atorfinititsinermi piumasaqaatinut palasimik atorfinititsinermi ilassutit isigineqassapput. Tamanna aalajangersakkanut eqqaaneqartunut nassuiaatini ersarissumik allaqqavoq.

§ 26d-mut nassuiaatini allaqqavoq atorfinititsisut nakkutigisassarigaat atorfimmut qinnuteqartup toqqarneqartup atorfinnissamut piumasaqaatinik naammassinnissimanissaa.

Nassuiaatini aamma allaqqavoq palasit atorfinitinneqartoq biskoppimit soraarummeersinneqarsimassaaq, ivertinneqarsimassaaq, ilagiinnut palasit ataasiaannarluni neriorsuisimassasoq, biskoppillu uppersaasigera atorfinititsinerne tamani pisassasoq, Biskoppillu atorfini sinnerlugu uppersaasigera sulisumut ilagiit

suliassaannik tunniussinerulluni, kiisalu uppersaaneq ivertitsilluni naalagiaritsinermi atuarneqassalluni.

Uppersaaneq siunertaa tassaasimassaaq qulakkiissallugu palasip atorfinittup uppersaaneq inissisimanagerata ilagiiit nassuerutiginnillutik malittarisassaannut naapertuunna, kiisalu ilagiiit isiginnittarannut naapertuuttumik atorfinittup ivertinneqarsimassasoq.

Tassa ima paasineqassaaq, ilagiiit sinniisaasa aallartitaasa taasinerisa inernerat apeqquataatinngit qinnuteqartuq Biskopit inaarutaasumik uppersaasissagaa.

Pisuni tamani Naalakkersuisut atorfinittussamik toqqaasassapput.

Biskopip allaffia eqqaasaqarsinnaangilaq ukiuni 10-ni kingullerni palaseqarsimasoq (biskopimit soraarummeersinneqarlunilu ivertinneqarnikumik), qinnuteqartaraluarluni atorfinissinnaasimangitsumik.

Biskopip allaffia ukiuni 10-ni kingullerni teologit (ikittuarannguit) (Palasinngorniarfimmit soraarummeersimasut), qinnuteqartaraluarlutik atorfinitsinneqanngitsunik. Pisuni taakkunani immikkuullarittuni ilagiiit sinniisaasa qinnuteqartut allattugaatiminni salliutittanngilaat, inassuteqaateqarniarluni ataatsimiinnerni taaneqarsimassappata.

Taamaallilluni apeqquq ima akineqarsinnaavoq, teologit (ikittuarannguit) (Palasinngorniarfimmit soraarummeersimasut), qinnuteqartaraluarlutik palasit atorfinitsinneqanngitsunik pisunilu taakkunani tamani ilagiiit sinniisai aalajangeereertarput qinnuteqartut taakku piumanagit.

#### **8. Ilagiiit oqaluffinnik aningaasanut nakkaatitsiviit qanoq nakkutigineqarpat, aamma qanoq naatsorsuusiorneqartarpat, sunullu aningaasat atorineqartarpat?**

##### **Akissut:**

Aningaasanut nakkaatitsiviit ima ilageeqarneq pillugu inatsit naapertorlugu ilagiiit sinniisaasa pigaat. Nakkutillineq taamaamat najukkami pisarpoq, soorluttaaq atorineqarneri najukkami pisartut. Aningaasat Biskopeqarfimmut tunniunneqartut oqaluffinnit ataasiakkaaneersut biskopeqarfiup kontoanut ilineqartarput.

#### **9. Ilagiiit sinniisaasa suut pisussaaffigalugillu akisussaaffigaat?**

##### **Akissut:**

Ilagiiit sinniisaasa suliassaat ilageeqarneq pillugu Inatsisartut inatsisaat nr. 9, 19. maj 2010-meersukkut pingaarnertut aalajangersarneqarput, ilageeqarneq pillugu Inatsisartut inatsisaatigut nr. 2 29. november 2013-ikkut allannagortinneqartukkut, (Oqaluffinni atorfinitsitsisarneq, uppersaatinut akiliutit, palasit ajoqillu upperneq pillugu sullissisinnaatitaannginnerat) (Ilageeqarneq pillugu inatsimmi) kap. 5 (§§16-23), tassanga § 22 ilagiiit sinniisaasa sulinerannut aalajangersagaq pingaarnertut isigineqassalluni. Aalajangersakkami allaqqavoq:

*"livangiiliup nalunaajaatigineqarnissaata periarfissagissaarnissaa ilagiit sinniisaasa pisussaaffigaat."*

Aalajangersakkami akisussaaffik paasineqassaaq ilageeqarnermi inuuneq, aamma naalagartitsinerup avataani. Ataatsimuussutsimut. Aalajangersakkami akisussaaffimmik sammitinneqartut tassaapput unnuakkut naalagartitsinermit naalattorsiorfinni tusarnaartitsinerit, katersiniarnernut, tikeraartoqarnerani naalagartitsinerit, sapaatikkut atuartitsineri ilinniagassanik ikiuinerit assigisaallu.

Kap. 5-imi aalajangersakkat sinnerini oqaluffiit illuutaannik nakkutilliinernut najukkami palasimit atuagarsuarnik allattuisartumut suleqatigineqartarpoq, nakkutilliinissamulli akisussaasumut (Ilageeqarneq pillugu inatsimmi § 20), ilagiit illuutaannik siunnersuuteqarsinnaatitaaneq pisatsersornissaanut, kusassarnissaanut, aserfallatsaalinnissaanut sanaartortoqarnissamullu palasip atuagarsuarnik allattuisumut (Ilageeqarneq pillugu § 21) naalagartitsivissanut aalajangersinnaatitaaneq, tussiutinik nutaanik atuutsilersinnaaneq tussiutinillu ilassuteqarsinnaaneq, kiisalu apersortittussanut ulluliineq (Ilageeqarneq pillugu inatsit § 23 (imm. 1) suliassamullu kingullermut tunngatillugu Kuissut tunngavigalugu ilinniartitsineq apersortinnerlu pillugit Namminersorlutik Oqartussat nalunaarutaat nr. 12, 24. august 2009-meersumi § 9). Naggataasigut kapitali 5-imi aalajangersakkat imaraat ilagiit sinniisaasa suliassaat, naalagartitsineri katersinerit akuersissutinut tunngasoq, ilagiit atuaanermi atortanngisaannik rituaaliinillu allaanerusunit atuinissamut akuersineq, (Ilageeqarneq pillugu inatsimmi § 23, imm. 2), soorlu biskoppi peqatigalugu akuersissuteqartarnissaat ilagiit atuaanermi atortanngisaannik rituaaliinillu allaanerusunit atuinissamut akuersineq, (Ilageeqarneq pillugu inatsimmi § 23, imm. 3).

Kiisalu iliveqarfeqarnermi inatsisartut peqqussutaat nr. 6, 17. oktober 1990-imeersukkut iliveqarfiit aqunneqarnerannut aserfallatsaalineqarnerannullu suliassat ilaannik ilagiit sinniisaannut suliakkiutigineqarput. Piviusumillu suliassat annersaat palaseqarfinit sularineqartarput (palasit ajoqillu) kiisalu kommuninit. Ilagiilli sinniisaat Inatsisartut peqqussutaat taanna malillugu tusarniarneqartassapput iliveqarfinnut tunngasunik, aamma sanaartornerannut atatillugu, inoqarfiunngitsuni ilisinnissamut tunngasuni kiisalu inunnut Kalaallit Nunaanni najugaqanngitsunut ilisineri. Taakku saniatigut ilagiit sinniisaat aamma iliveqarfinnik iloqarfinniinngitsunut nakkutillisussaataapput.

Ilageeqarneq pillugu inatsimmi kap. 7 naapertorlugu palaseqarfimmi imaluunniit provsteqarfimmi provstimik atorfinitsitsineri oqaaseqaateqartassapput. Biskopimik nutaanik ivertitsineri ilagiit sinniisaat aamma qitiulluinnartarput, tassami tassani immikkut taasisinnaatitaasarput (Ilageeqarneq pillugu inatsimmi § 6). Tamatuma saniatigut ilagiit sinniisaat tusarniaffigineqartassapput ajoqinik, pattattunik, pedelinik eqqiaasunillu atorfinitsitsineri soraarsitsinerinilu.

Ilageeqarneq pillugu inatsimmi § 9-mi aalajangersagaqarpoq provsti ukiumut naatsorsuutiniq suliaqannginnermini ilagiit sinniisaannit inassuteqaammik tigusaqarsimassaaq.

Ileqqusut malillugit ilagiit sinniisaasa suliassaraa palaseqarfimmi ileqqut attannissaat. Assersuutigalugu najukkami ajoqip nerliiviliartitsinnissaanut qinnuteqaat najukkami ilagiit sinniisaannut tunniunneqartarpoq. Ritualit ilaannik ajoqip atuaanissaa aamma ilagiit sinniisaannit akuersissutigineqaaqqaassaaq.

## **10. Ilagiit sinniisaat qanga kingullermik pikkorissartinneqarpat?**

### **Akissut:**

Qinersinerup kingorna ilagiit sinniisaat nutaat pikkorissarneqarnissaat inatsimmi piunasaqaataavoq (Ilageeqarneq pillugu inatsimmi § 12). Pikkorissaanermi tassani provstip siulittaasut nutaat ilagiillu sinniisaannit aallartitaq ataaseq suliassaannik pisussaaffiinillu ilinniartittarpari.

Kingullermik taassuminnga inatsisikkut piunasaqaataasumik pikkorissaaneq pivooq provsteqarfinni taakkunani pingasuni 2013-imi.

2015-imi biskoppi ilinniartitaanermut pilersaarummi marlunnik pikkorissaavoq, tassani ilaatigut ilagiit sinniisaannut sammitinneqartunik, peqataaniarlutilli nalunaartut ikippallaaqimmata ajoraluartumik taamaatiinnarneqarpoq.

## **11. Ajoqissanik pattattussanillu ilinniartitsinerit qanoq ingerlappat?**

### **Akissut:**

Pineqartut assigiinngitsut marluupput. Ajoqinngorniarfimmi ingerlalluaqaat. Ilinniartut aatsaat taamak amerlatigisut (12) ingerlapput modul 2-lu naammasseqqammerlugu. 2016-imi oktobarip naanerani ajoqutitut naammassissapput.

Pattattunngorniartulli ilinniartui ikiliartorput. Qinnuteqartut amerlavallaat kingullermik nuutersorsinnaanermik (piunasaqaataasumik) ilisimasaqarlutik allassimavaat, kingornali paasinarsilluni piginnaaneqanngitsut. Pattattunngorniat taamaammat maanna marluinnaapput.

## **12. Ilagiit sinniisaat sumiiffinni assigiinngitsunik aningaasanik atugassinneqartarpat?**

### **Akissut:**

Ilagiit sinniisaat tamarmik provsteqarfimminnut tapiissutinik tunngaviusunik qinnuteqarsinnaapput. Taakku saniatigut biskoppi ukiumut kr. 450.000,- missaannik illikartitsisarpoq, taakkulu ilagiit sinniisaannit tamanit qinnuteqarfigineqarsinnaapput ilageeqarnermut tunngasunik suliaqarniarnerminnut atugassaannik.

## **13. Ilagiit sinniisaannut qinersiviit qassiuppat aamma qanoq agguataagaappat?**

### **Akissut:**

Ilagiinnut qinersineq Kommunalbestyrelsinut, nunaqarfinni aqutsisunut ilagiillu sinniisaannut qinersisarmerit pillugit Inatsisartut inatsisaat nr. 7, 3. december 2012-imeersumi kapitali 3 (§§ 68-77) malillugu pisarpoq. § 70 (imm. 1) malillugu Namminersorlutik Oqartussat aalajangerpaat nalunaarutaat nr. 1 23. januar 2013-meersoq naapertorlugu 2013-imi qinersineri qinersiviit 73-iusut. Qinersivinni taakkunannga 73-iusunit 65-imi ilagiit sinniisaannut qinersisoqarpoq.

Qinersiviit illoqarfiit nunaqarfiillu malittaraat. Inoqarfiit illoqarfimmuut nunaqarfimmulluunniit qaninnernut atasutut allaqqapput.

#### **14. Ilagiinni kiffartuussineq inuusuttunut qanoq ilillugu pilerinarsarneqarsinnaanersoq Naalackersuisut eqqarsaasersorfigisimavaat-at?**

##### **Akissut:**

Ilageeqarneq pillugu inatsimmi tunngaviusumik piumasaqaateqarpoq, tassa politikki ilageeqarnerlu sapinngisannuamik avissaarsimatinneqassasut. Inatsimmut nassuiaatinut imm. 1.2.-mi imm. 3-mi ima allaqqavog:

*"Ilageeqarneq politikikkut suliffeqarfittut eqqarsaataasimangilaq taamaassananilu. Anguniakkatut eqqarsaat taanna piviusunnortikkumallugu Naalackersuisut isumaqarput isumagisariaqartoq politikikkut aqqissugaanermut tunngatillugu Ilageeqarneq aalajangersimasunik killeqartariaqartoq."*

Ataani imm. 4-mi aamma:

*"Tamama saniatigut Namminersorlutik Oqartussat qitiusumik allaffitsigut aqutsinermi avissaarnikkut Ilagiinnut tunngasunut atorfillit ersarinnerusumik politikikkut avissaanganerusumik nammineernerusumillu isikkoqalissapput. Ilisarnassuseq inunnit ulluinnarni ilagiinnik sullissisunit pilersitaasoq taamaattumillu ilagiit nukittorsarnissaannut oqartussaassuseqartunit."*

Tamanna tunngavigalugu ilaginni sulinerup inuusuttunut soqutiginarnerulernissaanik Naalackersuisut suliniuteqanngillat - ilagiimmi namminneq tamanna suliarisarmassuk.

Tunngaviatigut palasip atuagarsuarnik allattuusup suliassaraa ilageeqarnerup inuusuttunut qanoq ingerlanneqarnissaa. Nalunaajaanerup saniatigut inuusuttunut ilagiit sullissinerat aamma ilagiit sinniisaasa suliassaraat. Taamaalluni takorloorneqarsinnaavoq sapaatikkut atuartitsinerit, nersutaatinik isiginnaartitsinerit, unukkut naalagiaritsinerit, immikkut sammisassaqtitsinerit, ilinniagassanik ikiunnerit, oqalugiarnit il.il. inuusuttunut immikkut sammitinneqartartut – ilagiillu sinniisaannit suliarineqartarlutik.

Ilagiinnut pingaarluinnarpoq suliniutit kingulliit taakku ilagiinni najukkaminni aningaasaataat atorlugit pisassasut - ilagiit taakkulu sinniisaannit. Tamanna ilaatigut tunngavigalugu ilageeqarnerup ilisarnaatigaa.

2015-imi isumassatut biskoppit saqqummiuppa ilagiit sinniisaannut quppersakkat 20-it, tassani assersuutigalugit ilagiit piumassutsiminnik suliarinnaasaat, soorlu isumaginninnermik ilagiit iluanni akornannilu ikiuiniarneq (diakoni), taannalu 2016-ip aallartilaaernerani saqqummiunneqassaaq. Suliassat ilaanni palasimik ajoqimilluunniit peqataasoqarnissaa ilaatigut pisartussaavoq, ilaatigullu ilagiit sinniisaat kisiisa ikiortigalugit suliarineqarsinnaallutik.

**15. Ilumoorpaa? ilagiit sinniisaat najukkani palasissanik innersuussineq ajornata, palasinik atorfinitsitsisoqarneq ajortoq?**

**Akissut:**

Apeqqut ima paasineqarpoq ilagiit sinniisaannit inassuteqaateqartoqannginnera tunngavigalugu palasimik atorfinitsitsisoqannginneranut tunngaviutillugu paasisimagit. Taamaattoqanngilaq. Ilagiit sinniisaat llageeqarneq pillugu inatsit malillugu suliassaat naapertorlugit inassuteqaateqartarput.

Taakku saniatigut apeqqummut 7-imut akissutikka inassutigaakka.

Inussiarnersumik inuulluaqqusillunga

Nivi Olsen